


Protocol da la radunanza generala da la
SOCIETÀ LÖ D'INSCUNTER LAVIN



als 27 avrigl 2022, 20.15h illa Chasa Fliana a Lavin

S-chüsats : Anny Unternährer, Anita Burkhalter, Adele Marugg, Antonetta & Andrea Nogler, Gianna Martina Peer, Christa Pinggera, Mengiafila Luzi, Ines Barblan, Ottilia Christoffel, Armon Bezzola, Ursina Ganzoni

1. Bivgnaint

Il president Padruot Fried das-cha salüdar a 17 persunas a la radunanza generala. La glista da preschentscha es acclusa a quist protocol. L'actuar Fabian Schorta nu po tour part a la radunanza. Annapatrizia Richert scriva il protocol da la radunanza.

La glista da tractandas vain approvada da la radunanza.

2. Tscherner ün scrutinadur / üna scrutinadura

Sco scrutinadur vain tschernü Curdin Bonifazi da Lavin.

3. Preleger ed approvar il protocol da la radunanza dals 14.12.2021

Il protocol da la radunanza generala extraordinaria dals 14 december 2021 vain prelet ed approvà unanimamaing.

4. Approvar il rapport da gestiun

Il president Padruot Fried prelegia il rapport da gestiun scrit da l'anterieur president Fabian Schorta. Il rapport cumpiglia la perioda dals 1. schner fin als 31 december 2021.

L'andamaint dal Lö d'incunter es stat tuot on suot il bandaschun dal virus da Corona cun bleras restricziuns e malsgürezzas. La radunanza generala ha pudü gnir manada tras cun retard als 24 avuost 2021 cun – sper las tractandas ordinarias – l'onurificaziun cun la commembranza d'onur dad Annina e Jachen Erni e la demischiun sün la fin da l'on 2021 dal president Fabian Schorta.

Dals 26 october fin als 14 december han gnü lö ils cuors cun ün program da referats e cuors fich varià. Il comité d'organisaziun ha muossà grond ingaschamaint pro l'organisaziun e la realisaziun dals cuors suot circumstanças difficilas pervi da las restricziuns a regard al virus da Corona.

Als 14 december 2021 ha gnü lö üna radunanza generala extraordinaria in quala es gni tractandà il preventiv 2022 e la tscherna d'ün nouv president. Padruot Fried es gni elet unanimamaing sco president a partir dals 1. schner 2022.

L'actuar Buolf Nogler ha manzunà, ch'eir el füss cuntaint da pudair dar gio sia carica. Fabian Schorta s'ha mis spontanamaing a disposiziun da surtour quista carica.

Il rendaquint muossa pro entradas da frs. 23'871.10 e sortidas da frs. 25'684.13 ün deficit da frs. 1'813.03.

Il rapport da gestiun vain approvà unanimamaing.

5. Rendaquint 2021 e rapport dal revisurat

a) Explicaziuns

Il president preschainta il rendaquint 2021 cun diversas explicaziuns. El ais cuntaint cul rendaquint chi muossa pro entradas da frs. 23'871.10 e sortidas da frs. 25'684.13 ün deficit da frs. 1'813.03.

b) Rapport dal revisurat

Fadri Häfner prelegia il rapport dal revisurat. Ils revisurs da quint Armon Bezzola e Fadri Häfner han revis il rendaquint e la contabilità ed han chattà tuot in bun uorden. Els propuonan d'approvar il rendaquint e dar dis-charg a la suprastanza, quai chi vain fat da la radunanza unanimamaing.

6. Tscherna commembras e commembers da la suprastanza

Padruot Fried prelegia ün extract dal protocol da l'ultima sezzüda da la suprastanza ingiò chi vain propuonü d'eleger nouv üna chaschiera/ün chaschier in suprastanza.

Sco nouva chaschiera as metta a disposiziun duonna Erica Bischoff da Scuol. Ella as preschainta cuort a la radunanza.

I vegnan confermadadas/elettas las seguaintas persunas illas seguaintas caricas pel temp d'uffici 2022 - 2025:

Padruot Fried, Lavin, president (elet da la radunanza extraordinaria als 14.12.21)
Fabian Schorta, Zernez, actuar
Erica Bischoff, Scuol, chaschiera
Annastasia Parli, S-chanf, assessura, contact culla Fundaziun
Annapatrizia Richert, Bos-cha, assessura, ressort commembranza
Fadri Häfner, Guarda, revisur da quint
Armon Bezzola, Zernez, revisur da quint

7. Approvar il preventiv 2022

Il president preschainta il preventiv 2022 chi prevezza pro entradas da frs. 21'700.- e sortidas da frs. 29'110 ün deficit da frs. 7'410.-. Il preventiv vain acceptà da la radunanza unanimamaing.

8. Fixar las contribuziuns da las commembranzas 2023

Las contribuziuns per las commembranzas da frs. 30.- per singuls, frs. 50.- per conjugals e famiglias, e frs. 80.-- per persunas giuridicas vegnan approvadas unanimamaing e restan dimena sco fin quà.

9. Program da lavur 2022

Berta Marugg preschainta üna survista provisorica a regard ils cuors manuals ed Erica Bischoff a regard ils temas dals referats dals cuors chi cumainzan als 25 october 2022 e d'üran fin als 13 december 2022. Il program es fich varià e las duonnas dal comité speran da pudair manar tras ils cuors sainza grondas restricziuns. La radunanza ingrazcha al comité per sia gronda lavur.

10. Propostas inoltradas da commembras o commembers (art. 14, alinea 4 dals tschantamaints)

I nu sun entradas ingünas propostas.

11. Varia

Il president ingrazcha al comitè, a las collegas e'ls collegs da la suprastanza, ad Anna Margaritta Filli per seis grond ingaschamaint ed a tuot las preschaintas e'ls preschaints per lur cumparsa. El das-cha serrar la radunanza a las 21.15h.

Bos-cha, ils 28 avrigl 2022

In buna fai, l'actuara ad hoc

Annapatrizia Richert-Clagluna

Glista da preschentscha :

Fried Padruot, Lavin
Richert Annapatrizia, Bos-cha
Parli Anastasia, S-chanf
Denoth Cla, Ftan
Erni Jachen, Scuol
Erni Annina, Scuol
à Porta Niculin, Ftan
Barbüda Josef, Guarda
Filli Anna Margaritta, Lavin
Pernisch Mathilda, S-chanf
Marugg Berta, Scuol
Bischoff Erica, Scuol
Willy Cristiana, Zuoz
Caprez Claudia, Zuoz
Bonifazi Curdin, Lavin
Bonifazi Mengia, Lavin
Marugg Linard, Scuol
Häfner Fadri, Guarda